
ЎЗБЕКИСТОН РЕСПУБЛИКАСИ ОЛИЙ ВА ЎРТА
МАХСУС ТАЪЛИМ ВАЗИРЛИГИ

ТОШКЕНТ ДАВЛАТ ИҚТИСОДИЁТ
УНИВЕРСИТЕТИ

**ИҚТИСОДИЁТ
ВА
ТАЪЛИМ**

Махсус сон

2017

Тошкент

Муассис:

Тошкент давлат иқтисодиёт
университети

Таҳрир кенгаши раиси:

Ходиев Баходир Юнусович – и.ф.д., профессор

Таҳрир кенгаши

Абдурахмонов Қаландар Ходжаевич – и. ф. д., профессор
Ахмедов Дурбек Кудратиллаевич – и. ф. д., профессор
Бегалов Баходир Абдусаломович – и. ф. д., профессор
Бекмуродов Адхам Шарипович – и. ф. д., профессор
Болтабаев Махмуджон Рустамович – и. ф. д., профессор
Набиев Дилмурод Хамидуллаевич – и. ф. д., профессор
Содиқов Авазбек Мадаминович – и. ф. д., профессор
Бегимкулов Узокбой Шоимкулович – п. ф. д., профессор
Ғайибназаров Баходир Каримович – и. ф. д., профессор
Ражаббаев Шароф Рахимбердиевич - и.ф.н., доцент

Таҳрир ҳайъати

Беркинов Бозорбой – и.ф.д., профессор
Йўлдошев Нуриддин Курбонович – и.ф.д., профессор
Нишанбай Сиражиддинов – и.ф.д., профессор
Рашидов Октам Юнусович – и.ф.д., профессор
Тошматов Шухрат Амонович – и.ф.д., профессор
Умурзаков Баходир Хамидович – и.ф.д., профессор
Усманов Анвар Саидмахмудович – и.ф.д., профессор
Эргашходжаева Шахноза Джасуровна – и.ф.д., профессор
Ғофуров Убайдулла Вахобович – и.ф.д., доцент
Мустафакулов Шерзод Игамбердиевич – и.ф.д., доцент
Насретдинова Шахноза Саидакмаловна – ф.-м. ф. н., доцент
Урманов Низамиддин Тулаганович – и.ф.н., доцент
Хакимов Рашид Хамдамович – и.ф.н., доцент
Ташматов Рустам Хусанович – и.ф.н., доцент

Н.Сиражиддинов, Г.К.Султанова Механизм финансовой поддержки экспорта в Узбекистане.....	67
Р.И.Каюмов, Б.Бободжанов Фундаментальные Подходы К Активизации Инвестиционной деятельности на фондовом рынке Узбекистана.....	74
МАКРОИҚТИСОДИЙ СИЁСАТ МАКРОЭКОНОМИЧЕСКАЯ ПОЛИТИКА	
А.С.Юсупов Харакатлар стратегияси: сиёсий, ижтимоий-иқтисодий асослар ва барқарор тараққиёт мақсадлари.....	81
И.С.Хотамов Инвестиция лойиҳалари таҳлилининг асосий йўналишлари	91
РЕКРЕАЦИЯ ВА ТУРИЗМ РЕКРЕАЦИЯ И ТУРИЗМ	
М.Амонбоев Миллий туризм бизнес субъектларини маркетинг тамойиллари асосида ривожлантириш	100
З.Д.Адилова Развитие креативной науки и экономического образования	107
ҲУДУДЛАР ИҚТИСОДИЁТИ ВА МИНТАҚАВИЙ ИҚТИСОДИЁТ ЭКОНОМИКА РЕГИОНОВ	
Б.Д.Хажиев, Б.Э.Мамарахимов Жиззах вилоятининг ижтимоий-иқтисодий ривожланишини комплекс ўрганиш натижалари	113
А.А.Исломов Ўзбекистонда минтақавий иқтисодий сиёсатни амалга ошириш тамойиллари	123
БУХГАЛТЕРИЯ ҲИСОБИ, ИҚТИСОДИЙ ТАҲЛИЛ ВА АУДИТ БУХГАЛТЕРСКИЙ УЧЕТ, ЭКОНОМИЧЕСКИЙ АНАЛИЗ И АУДИТ	
И.Н. Қўзиев, И.Р.Авазов Ўзбекистонда аудиторлик ҳисоботини умумлаштириш йўналишлари	129
З.А.Муқумов, Ш.А.Тожибоева Ички имкониятлардан самарали фойдаланишнинг маҳсулот ишлаб чиқариш ҳажмига таъсирини таҳлил қилиш ва баҳолаш.	134
ҚИШЛОҚ ХЎЖАЛИГИ ИҚТИСОДИЁТИ ЭКОНОМИКА СЕЛЬСКОГО ХОЗЯЙСТВА	
М.С. Қосимов Топинамбур индустриясини шакллантиришда инновацион ҳамкорлиги	143
МЕНЕЖМЕНТ МЕНЕДЖМЕНТ	
Р.Х.Карлибаева Акциядорлик жамиятларида молиявий менежмент тизимини такомиллаштириш.....	146

МЕНЕЖМЕНТ МЕНЕДЖМЕНТ

АКЦИЯДОРЛИК ЖАМИЯТЛАРИДА МОЛИЯВИЙ МЕНЕЖМЕНТ ТИЗИМИНИ ТАКОМИЛЛАШТИРИШ

Карлибаева Рая Хожабаевна

И.ф.н., доцент, Тошкент давлат иқтисодиёт университети

Аннотация. Ушбу мақолада шакллантирилган молиявий менежментнинг фундаментал асослари ривожланган мамлакатлар молиявий менежмент мактаби намоёндаларининг концепциялари, акциядорлик жамиятларида корпоратив бошқарув тизимини такомиллаштириш масалалари куриб утилган.

Таянч тушунчалар: молия, акциядорлик жамият, хусусийлаштириш, акция, ўз капитали, эмиссия, мулк, кузатув кенгаши, назорат, устав фонди.

Аннотация. В этой статье основное внимание уделяется к основам финансового менеджмента, концепциям школ финансового менеджмента развитых стран и улучшению корпоративного управления в акционерных обществах.

Ключевые слова: финансы, акционерное общество, приватизация, акции, эмиссия, имущество, наблюдательный совет, контроль, уставный капитал

Замонавий шароитларда миллий акциядорлик жамиятларида шаклланиган молиявий менежмент республикамизда мустақиллик йилларида амалга оширилган ислохотларнинг турли босқичларида ривожланиб борди. Лекин ушбу ривожланиш, жаҳон амалиётида молиявий менежментнинг эволюцион тараққиёти билан солиштирилганда қисқа давр ичида сифат жиҳатдан такомиллашиб борганлигини кузатишимиз мумкин. Молиявий менежментнинг шаклланиши ва ривожланиши кўп жиҳатдан амалга оширилган ислохотлар натижасида бозор иқтисодиётининг тараққиёти, шаклланиган иқтисодий тизим шарт-шароитларига боғлиқ бўлиб, ундаги институционал бирликлар ўзаро муносабатларининг иқтисодий механизми асос бўлиб ҳисобланади.

Миллий анъаналар билан уйғун ҳолда шакллантирилган молиявий менежментнинг фундаментал асослари ривожланган мамлакатлар молиявий менежмент мактаби намоёндаларининг концепцияларига асосланган. Лекин, республикамизда ўзига хос тавсифдаги “Ўзбек модели” деб эътироф этилувчи

бозор иқтисодиётини шакллантириш билан боғлиқ иқтисодий ислохотларнинг таъсирида акциядорлик жамиятларида молиявий менежментнинг тараққиёти Ғарб мамлакатларидаги тараққиёт қонуниятларидан нисбатан фарқли равишда ривожланиб бормоқда.

Демак, Ўзбекистон Республикаси акциядорлик жамиятларида молиявий менежментнинг тараққиётининг асосида миллий иқтисодиётнинг босқичма-босқич ривожланишини умумий қонуниятлари ташкил этади. Бунда молиявий менежментнинг тараққиёти акциядорлик жамиятлари иқтисодиётининг макро ва микро муҳитидаги мавжуд муаммолар ва уларни барқарор қилишнинг мутлақ зарурияти негизида ривожланган.

Мустақилликнинг дастлабки давридан оқ, мулкни хусусийлаштириш ва давлат тасарруфидан чиқариш ислохотларда асосий йўналишлардан бири сифатида амалга оширилиб, ушбу ислохотларда акциядорлаштириш устувор аҳамият касб этиб, акциядорлик жамиятлари фаолиятининг

ташкилий-иқтисодий ва ҳуқуқий механизмлари шакллантирилди ҳамда изчил равишда такомиллаштирилиб келинмоқда.

Ўзбекистон Республикаси акциядорлик жамиятларида молиявий менежмент моделининг шаклланишини дастлабки босқичи, 1991 йилда “Давлат тасарруфидан чиқариш ва хусусийлаштириш тўғрисида”ги Ўзбекистон Республикаси Қонунинг қабул қилиш даврига тўғри келди. Ушбу Қонун, давлат мулки ҳукмрон мавқега эга бўлган моно укладли иқтисодиётдан бозор муносабатларига асосланган кўп укладли иқтисодиётга ўтиш билан боғлиқ трансформацион жараёнларнинг мазмун моҳиятини ифодалайди. Йирик капитал сиғимига эга бўлган давлат корзоналарини хусусийлаштиришда акциядорлик жамиятлари устувор аҳамият касб этди. Шунингдек, ушбу даврда яна бир муҳим Қонун “Хўжалик жамиятлари ва ширкатлари тўғрисида”ги[1] Қонуннинг қабул қилиниши корпоратив мулкчиликка асосланган тадбиркорлик фаолиятининг ҳуқуқий мақоми бўлиб хизмат қилди. Қолаверса, Ўзбекистон Республикаси Вазирлар Маҳкамасининг «Давлат корхоналарини қайта ўзгартириш натижасида ташкил этилган очиқ турдаги акционерлик жамиятларининг акцияларини рўйхатдан ўтказиш ва муомалага чиқариш тартиби тўғрисида»ги низом[2] очиқ акциядорлик жамияларида хусусий капитани шакллантириш ҳисобига инвестицион фаолликни юксалтиришнинг ҳуқуқий мақоми родини ўйнади.

Бундай шароитда аксарият хусусий корхоналар тўлиқ хўжалик мустақиллиги, ўзини ўзи молиялаштириш, ўзини-ўзи қоплаш таъминларига асосланган хўжалик юритиш тизимига ўтиши натижасида мавжуд молиявий ресурсларни самарали бошқаришнинг замонавий тизимини шакллантириш ва уни ривожлантиришга шарт-шароит яратиб берди. Шунингдек, мамлакат миқёсида яратилган ялпи ички маҳсулотда хусусий секторнинг улушини ортиб бориши параллел равишда пул фондлари кўлами ва масштаби бўйича ҳам уларнинг салмоғини ортиши кузатилди. Молия тизимида давлат молияси ҳал қилувчи аҳамиятга эга бўлган собиқ иттифоқнинг парчаланиши ва мустақил Ўзбекистонда амалга оширилган бозор ислохотлари натижаси ўлароқ, молия тизимида корпоратив молия ва молиявий воситачилик фаолияти билан шуғулланувчи молиявий институтларнинг роли ортиб борди. Мамлакат иқтисодиёти ва хусусан, молия тизими барқарорлигини таъминлашда мулкчиликнинг турли шаклларида фаолият юри-

тувчи хўжалик субъектлари ролининг ортиб бориши улар молиясини бошқаришнинг замонавий тизимини шакллантиришга объектив заруриятни келтириб чиқарди.

Албатта, хусусий мулкчиликнинг корпоратив шаклига асосланган акциядорлик жамиятларида ҳам ишлаб чиқариш ва молиявий фаолиятнинг якуний натижаси ҳисобланган фойдани максималлаштириш асосий мақсад ҳисобланади. Қолаверса, акциядорлик жамиятлари маълум бизнес учун капиталлани концентрация қилиш ва ушбу бизнестан манфаатдорларнинг кенг арсеналини ўзида мужассамлаштирувчи мулкчилик шакли сифатида ривожланиб бормоқда.

Ислохотларнинг дастлабки даврида хўжалик субъектлари молиявий хизмат тизими олдига янги вазифалар юклаган эди. Собиқ тоталитар тизимдан меърос бўлиб қолган хўжалик механизмни тубдан ислоҳ қилиш зарур эди. Марказлашган бошқарув тизими шароитида турли директив усуллар орқали бошқариш тизимини тугатиш ва давлатни жамиятнинг сиёсий институти сифатидаги иқтисодий вазифалари қаторида макроиқтисодий тартибга солишда бозор механизмларидан фойдаланишга устуворлик берилди. Бир томонлама ривожланган ва технологик жиҳатдан эскирган асосий фондлар билан қуролланган хўжалик субъектларга замонавий технологиялар билан жиҳозланган инвестицияларни ва хусусан, хорижий инвестицияларни кенг жалб қилиш билан боғлиқ ислохотларни амага оширишни талаб қилар эди.

Ўтиш даври иқтисодиётга хос бўлган муаммолар кесимида капиталлар тақчиллигини инобага оладиган бўлсак, ислохотларнинг дастлабки даврида акциядорлик жамиялари стратегик аҳамиятга эга бўлган тармоқларнинг истиқболдаги тараққиётида ички ва ташқи инвестицияларни жалб қилишда муҳим аҳамият касб этмоқда.

Юқорида тилган олинган, қонунчилик актилари акциядорлик жамиятлари фаолиятини умумий тартибга солувчи меъёрий-ҳуқуқий ҳужжатлар ҳисобланади. Ислохотларнинг кейинги даврида акциядорлик жамиятлари фаолияти ва молиявий менежментни ташкилий механизмни бевосита тартибга солувчи меъёрий-ҳуқуқий ҳужжатлар қабул қилинди. Бунга яққол мисол сифатида, 1996 йилда “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Ўзбекистон Республикасининг Қонунининг қабул қилинишини келтириб ўтишимиз мумкин. Ушбу Қонун акциядорлик

жамиятлари фаолиятини ташкил қилиш ва улар молиявий фаолиятини бошқаришнинг умумий регламентини бевосита тартибга солувчи қонунчилик акти ҳисобланади. Ушбу Қонунга иқтисодий ислохотларнинг турли даврларидаги шарт-шароитлардан келиб чиққан ҳолда, қарийиб 2015 йлгача 13 марта ўзгариш ва қўшимчалар киритилди[3]. Киритилган ўзгариш ва қўшимчалар асосан қуйидаги принципал масалаларга қаратилди:

- акциядорлик жамиятлари фаолиятининг ташкилий-иқтисодий асослари шакллантирилди. Давлат улуши ва институционал инвесторларга тегишли акциялар пакети бўйича уларнинг акциядорлик жамиятлари фаолиятини бошқаришдаги ҳуқуқ ва ваколатлари тизими шакллантирилди;

- акциядорлик жамиятларида кенгайтирилган такрор ишлаб чиқариш учун зарурий молиявий ресурсларни жалб қилиш мақсадида фонд бозорини янада ривожлантириш чора-тадбирлари белгилаб олинди. Бу ўз навбатида хусусийлаштиришдан сўнги акциядорлик жамиятлари молиявий-эксплуатацион эҳтиёжлари учун молиявий ресурсларни иккиламчи бозорлардан жалб қилиш механизми шакллантирилди.

- давлат мулки бўлган объектларни давлат тасарруфидан чиқариш ва хусусийлаштириш негизида ташкил этилган акциядорлик жамиятларини хусусийлаштиришда сўнги (постприватизацион) қўллаб-қувватлаш тизимини янада ривожлантириш чора-тадбирлари ишлаб чиқилди;

- эмиссиявий фаолият ва молиявий ресурсларни жалб қилишда фойдаланиладиган молиявий инструментлардан фойдаланиш механизмнинг ҳуқуқий асосларини шакллантирилди;

- дастлаб акциядорлик жамиятлари устав капиталига минимал табақалаштирилган талаб белгиланди. Акциядорларнинг манфаатларини ҳимоя қилиш ва акциядорлик жамиятлари молиявий барқарорлигини янада ошириш мақсадида акциядорлик жамиятлари устав капиталига ягона минимал талаб қайтадан белгиланди. Шунингдек, акциядорлар манфаатларини ҳимоя олиш, акциядорлар ва менежерлар ўртасидаги корпоратив низолар кесимида жамиятнинг барқарорлигини тизимли мониторингини ташки қилиш учун соф активни ҳисоблаш методологияси ва унинг мезонлари белгилаб олинди;

- акциядорлик жамиятлари фаолиятини янада барқарорлаштириш, миллий анъаналарга асосланган ҳолда

корпоратив бошқарув тизимини такомиллаштириш орқали уларга хорижий инвестицияларни кенг жалб қилиш бўйича тизимли ислохотлар амалга оширилди. Бизга маълумки, глобал молиявий-иқтисодий инқироз ва жаҳон хўжалигининг инқироздан кейинги тараққиёти шуни тасдиқламоқдаки, мамлакат иқтисодиётининг хавфсизлигини таъминлаш, унинг рақобатбардошлигини ошириш ҳаётий заруриятга айланиб қолмоқда. Бунда иқтисодиёт тармоқларида ишлаб чиқаришни модернизациялаш, инновацион технологияларни кенг жорий қилишда биринчи навбатда ички ресурслар ва шунингдек, хорижий инвестицияларни жалб қилиш хал қилувчи аҳамият касб этади.

Ўзбекистон Республикаси биринчи Президенти Ислон Каримовнинг "Акциядорлик жамиятларида замонавий корпоратив бошқарув услубларини жорий этиш чора-тадбирлари тўғрисида"ги Фармони[4] билан тасдиқланган Корпоратив бошқарув тизимини тубдан такомиллаштириш бўйича чора-тадбирлар Дастури ижросини таъминлаш мақсадида Ўзбекистон Республикасининг "Акциядорлик жамиятлари ва акциядорларнинг ҳуқуқларини ҳимоя қилиш тўғрисида"ги Қонунига[5] бир қатор ўзгариш ва қўшимчалар киритилиб, булар асосан қуйидагиларга қаратилган:


- акциядорлик жамиятининг устав капиталини ошириш фақатгина қўшимча акцияларни чиқариш ва жойлаштириш орқали амалга оширилиши белгиланди;

- акциядорлик жамияти томонидан оддий акцияларга ҳисобланган дивидендларни тўлаш акциядорларнинг дивидендларни олишда тенг ҳуқуққа эгаллигига риоя этган ҳолда амалга оширилиши белгиланди;

- акциядорлик жамияти хусусий акциядорларининг камида учдан икки қисмининг розилиги мавжуд бўлмаган тақдирда жамиятнинг устав капиталидаги давлат улушини солиқ ва давлат олдидаги бошқа қарздорликлар ҳисобига шакллантириш ёки уни ошириш тақиқланиши белгиланди;

- бир акциядор томонидан жамият акцияларининг 50 ва ундан ортиқ фоизи сотиб олинаётганда бошқа акциядорлар ўзларининг акцияларини унга бозор қиймати бўйича сотиш ҳуқуқи таъминланди.

Кейинги йилларда акциядорлик жамиятлари фаолиятини ташкилий-иқтисодий ва ҳуқуқий асосларини такомиллаштириш билан боғлиқ ислохотларни умумлаштирган ҳолда қуйидагича туркумлашимиз мумкин.



Манба: Расм муаллиф томонидан акшлантирилган.

1-расм. Акциядорлик жамиятлари фаолиятини ташкилий-иқтисодий ва ҳуқуқий асосларини такомиллаштириш йўналишлари.

Демак, кейинги йилларда ислохотларнинг концептуал асослари куйидагилардан иборат бўлмоқда, яъни акциядорлик жамиятлари шакллари бўйича уларнинг ҳуқуқий статусидаги ўзгаришлар амалга оширилди. Очiq ва ёпиқ акциядорлик жамиятлари тушунчаси чиқариб ташланди ва устав капиталига белгиланган минимал талаб 400 миғ АҚШ доллари эквивалентини ташкил қилиб, ушбу миқдордаги минимал талаб таъминланмаган ҳолда масъулияти чекланган жамиятларга айлантириш белгиланди. Чиқарилган акцияларни очiq ва ёпиқ обуна йўли билан жойлаштириш имкониятлари шакллантирилди.

Акциядорлик жамиятлари бошқарув тизимида Кузатув кенгашининг йирик ва стратегик аҳамиятга молик битимлар тузишга оид қарорлар қабул қилиш, жамият устав фондини ошириш, жамият устав фонди ошиши муносабати билан киритиладиган ўзгартиришлар, ташқи аудит хизмати бўйича қарорлар қабул қилиш бўйича қатор меъёрлар белгиланди. Жамият тафтиш комиссияси аъзоларига малакавий талаблар ўрнатилди ва тафтиш комиссияси аъзолигига бир шахсни кетма-кет икки мартадан ортиқ сайланишига чеклов ўрнатилди. Жамият акциядорларининг умумий йиғилиши ёки Кузатув кенгаши қарорларига оид ижро интизомини бузиш ҳолатларида ижро органи билан тузиган шартномани бекор қилишга асос бўлиши белгиланди.

Акциядорлик жамиятлари фаолияти тўғрисидаги ахборотлар жамият инвестицион жозибadorлигини муҳим омили ҳисобланади. Шу нуқтаи назардан кейинги йилларда ушбу йўналишдаги чора тадбирлар аввало потенциал инвесторларни жамият фаолияти тўғрисидаги тўлиқ ва ошқора ахборотлар билан таъминлаш орқали акциядорлик жамиятларининг инвестицион жозибadorлигини оширишга қаратилган. Хусусан, акциядорлик жамиятлари учун фонд биржасининг расмий сайтида уларнинг уставига киритилган ҳар қандай ўзгартиш ва қўшимчалар ҳақидаги маълумотларни ошқора киритиб бориш мажбурийлиги белгиланди.

Акциядорлик жамиятларида корпоратив бошқарув тизимини такомиллаштиришда биринчи навбатда акциядорлар ва уларнинг кенг таркибинини ташкил қилувчи миноритар акциядорлар ҳуқуқий ҳимоясини таъминлашга қаратилмоқда. Улардаги бошқарув ва назорат органлари зиммасидаги масъулиятни янада оширади, энг асосийси эса миноритар акциядорлар ҳуқуқларини ҳимоялаш институтини яратади, акциядорлар ва потенциал инвесторлар учун жамият фаолияти тўғрисидаги кенгроқ ахборотлар олиш кафолатини яратади. Йирик акциядорларнинг катта ҳажмдаги акциялар пакети уларга Умумий йиғилишда юқори даражадаги овоз бериш имкониятини беради. Уларнинг иштирок этмаслиги натижасида кворумнинг мавжуд бўлмаслиги ва охир оқибатда йиғилиш бекор қилиниш ҳолатлари учрар эди. Бу ўз навбатида, ижро интизомига салбий таъсир кўрсатиб, зарурий корпоратив қарорларни ўз вақтида қабул қилиш билан боғлиқ муаммоларни келтириб чиқарар эди. Ушбу муаммони бартараф этиш мақсадида Умумий йиғилишида иштирок этувчиларни рўйхатга олиш тугаган пайтга келиб жамиятнинг жойлаштирилган овоз берувчи акцияларининг жами 50 фоиздан кам бўлмаган овозига эга бўлган акциядорлар (уларнинг вакиллари) рўйхатга олинган бўлса, бу Умумий йиғилиш ваколатли ҳисобланиши белгиланди.

Демак, юқоридаги ўзгариш ва қўшимчалар, Ўзбекистон Республикасидаги акциядорлик жамиятларида корпоратив бошқарув тизимини самарали жорий этиш ва уни жадал ривожлантириш, шунингдек инвестор ва акциядорларнинг, айниқса, миноритар акциядорларнинг ҳуқуқ ва қонуний манфаатларини ҳимоя қилинишини таъминлашга хизмат қилиб, бизнеснинг ривожланишига янги имкониятлар яратиб келмоқда.

Пировад натижада йирик ва стратегик аҳамиятга эга бўлган иқтисодий тармоқлари барқарор ривожланишида корпоратив мулкчилик муносабатларининг ўзида ифодаловчи акциядорлик жамиятларининг аҳамияти юқори бўлган.

Ўзбекистон Республикаси миллий иқтисодиётида акциядорлик жамиятларининг аҳамияти тўғрисидаги маълумотлар

№	Иқтисодий кўрсаткичлар номи	Ўлчов бирлиги	2010 йил	2011 йил	2012 йил	2013 йил	2014 йил	2015 йил
1.	Ялпи ички маҳсулот ҳажми	трлн. сўм	62,4	78,8	97,9	120,9	145,8	171,4
2.	ЯИМни йиллик ўсиши	% да	108,5	108,3	108,2	108,0	108,0	108,0
3.	Рўйхатга олинган АЖлар сони	дона	1236	1371	1309	1276	1232	1211
4.	Акциядорлик жамиятларининг ишлаб чиқарган маҳсулотлар ҳажми	трлн. сўм	27,1	29,8	32,3	35,1	39,1	45,3
5.	Акциядорлик жамиятларининг ЯИМдаги улуши	% да	43,4	37,7	32,9	29,0	26,8	26,4
6.	1 та акциядорлик жамиятига тўғри келувчи маҳсулот ҳажми	млрд. сўм	21,9	21,7	24,6	27,5	31,7	37,4

Манба: Жадвал ЎЗРДСҚ маълумотлари асосида муаллиф томонидан шакллантирилган

Жадвал маълумотларидан кўриниб турибдики, кейинги йилларда мамлакатда ялпи ички маҳсулотнинг барқарор ўсиши кузатилиб, бу кўрсаткич 2010 йида 62,4 трлн. сўмни, 2015 йилга келиб эса 171,4 трлн сўмни ташкил қилган.

Ушбу даврларда акциядорлик жамиятлари фаолиятининг ташкилий-ҳуқуқий асосларини такомиллаштирилиши натижасида уларнинг сони таҳлил қилинаётган дастлабки даврларда кўпайиб борган бўлса-да (2010 йилда 1236 та 2012 йилда 1309 та), кейинги даврларда уларнинг сони камайиб борган. Бу ўз навбатида устав капитали белгиланган миқдорни ташкил қилмаган акциядорлик жамиятларини масъулияти чекланган жамиятларга айлантириш асосий омил бўлиб хизмат қилди.

Мамлакат миллий иқтисодиётида кичик

бизнес ва усусий тадбиркорлик фаолиятининг аҳамиятини жадал ўсиб бориши натижасида уларнинг ЯИМдаги улуши мос равишда ортиб борди. Лекин, акциядорлик жамиятларининг маҳсулот ишлаб чиқариш ҳажми номинал мазмунда ўсиб борган бўлса-да (2010 йилда 27,1 трлн. сўмдан 2015 йилда 45,3 трлн. сўм) уларнинг мамлакат ялпи ички маҳсулотидagi улуши камайиш тенденциясига эга бўлмоқда.

Хулоса сифатида шуни айтиш жоизки, акциядорлик жамиятларининг мамлакат ялпи ички маҳсулотини шакллантиришдаги аҳамиятини йиллар мобайнидаги маҳсулот ишлаб чиқариш динамикасининг тренди ва уни яли ички маҳсулотнинг ўсиш суръати ўртасидаги корреляциясни аниқлаш орқали улар фаолиятининг самарадорлигини мукамалроқ баҳолаш мумкин.

Манба ва адабиётлар:

1. Ўзбекистон Республикаси Олий Кенгашининг Ахборотномаси, 1993 й.
2. Ўзбекистон Республикаси Вазирлар Маҳкамасининг 285-сонли қарори билан тасдиқланган «Давлат корхоналарини қайта ўзгартириш натижасида ташкил этилган очиқ турдаги акционерлик жамиятларининг акцияларини рўйхатдан ўтказиш ва муомалага чиқариш тартиби тўғрисида»ги низом. 1994 йил 8 июн.
3. Ўзбекистон Республикаси Олий Мажлисининг Ахборотномаси, 1996 й., 5-6-сон, 61-модда; 1997 й., 2-сон, 56-модда; 1998 й., 3-сон, 38-модда; 9-сон, 181-модда; 1999 й., 9-сон, 229-модда; 2001 й., 1-2-сон, 23-модда; 2003 й., 1-сон, 8-модда; 9-10-сон, 149-модда; Ўзбекистон Республикаси қонун ҳужжатлари тўплами, 2006 й., 14-сон, 110-модда; 2007 й., 29-30-сон, 297-модда, 50-51-сон, 506-модда, 514-модда, 52-сон, 533-модда; 2008 й., 39-сон, 392-модда; 2008 й., 52-сон, 513-модда; 2009 й., 15-сон, 176-модда, 37-сон, 403-модда; 2010 й., 37-сон, 315-модда; 2014 й., 4-сон, 45-модда
4. «Акциядорлик жамиятларида замонавий корпоратив бошқарув услубларини жорий этиш чора-тадбирлари тўғрисида»ги ПФ-4720-сон Фармони. 24.04.2015 йил.
5. Ўзбекистон Республикасининг «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонунига ўзгартириш ва қўшимчалар киритиш тўғрисида»ги Қонуни. УРҚ-370-сон. 06.05.2014 йил.

МЕҲНАТ ИҚТИСОДИЁТИ ЭКОНОМИКА ТРУДА

СТАТИСТИЧЕСКОЕ ИССЛЕДОВАНИЕ ВЛИЯНИЯ МИГРАЦИИ НА РЫНОК ТРУДА УЗБЕКИСТАНА

Аюбджанов Аббос Хосилович

К.э.н. доц. зав. кафедрой «Статистика» ТГЭУ

Тула Нодирбек Баходир ўғли

Старший научный сотрудник - соискатель кафедры «Статистика» ТГЭУ

Аннотация. Мақолада миграция тушунчасининг маъноси аниқланган. Миграция жараёнларининг аҳоли ва меҳнат ресурслари сонига бўлган таъсири механизмлари илмий жиҳатдан ўрганилган. Ўзбекистон Республикасида миграциянинг ҳолати ва динамикаси келтирилади. Бундан ташқари, меҳнат миграцияси юзага келишининг асосий сабаблари ўрганилган.

Таянч тушунчалар: миграция, аҳоли, муҳожирлар, меҳнат ресурслари, меҳнат бозори.

Аннотация. В статье рассматривается и уточняется понятие миграции. Проводится научное исследование механизмов воздействия миграционных процессов на численность населения, а также трудовых ресурсов. Приводится состояние и динамика миграции в Республике Узбекистан. Кроме того, в статье выявляются основные причины возникновения трудовой миграции.

Ключевые слова: миграция, население, мигранты, трудовые ресурсы, рынок труда.

На сегодняшний день Узбекистан, имеет отрицательное сальдо внешней миграции населения, но в последние годы коэффициент механической убыли сокращается. Это обусловлено, прежде всего, тем, что за последние годы в стране каждый год создаваемое новые рабочие места. Большая часть этих рабочих мест приходится на частное предпринимательство, которое развивается благодаря усилиям правительства страны. Ш.М. Мирзиёев выступая на 72-й сессии Генеральной Ассамблеи ООН отметил: «Впервые создан институт Омбудсмена по защите прав предпринимателей. Значительно сокращены налоги на бизнес, расширен его доступ к кредитам. Созданы новые свободные экономические зоны, где инвесторам предоставлены широкие льготы» [1].

Миграция (с латинского “migration” – “переселение”) – переселение людей из одного региона (страны, города, села) в другой, в ряде случаев большими группами на маленькие и большие расстояния [5].

Миграция увеличивает не только числен-

ность населения отдельных территорий, но и влияет на динамику демографических процессов, т.к. мигранты тоже участвуют в воспроизводстве населения. Если внутренняя миграция воздействует на обстановку в отдельных районах, то внешняя - на характеристику населения в целом [2]. Так, миграция из села приводит к созданию возрастно-половых диспропорций, нехватке молодежи, а это затрудняет развитие сельского хозяйства, тормозит быстрее освоение новой техники. С другой стороны, миграция влияет перераспределение населения, связанное с размещением производительных сил, распределением производственных мощностей и инвестиций между отдельными территориями страны, в том числе между природными зонами, районами, разными типами сельских и городских поселений. Перемещение населения в новые районы страны часто связано с решением и других проблем. Важно, чтобы люди не только приехали в районы нового освоения, но и остались там трудиться и жить длительное время. Пока

ИҚТИСОДИЁТ ВА ТАЪЛИМ

Босишга рухсат этилди 29.12.2017 й.
Бичими 60x90 1/8.
Шартли босма табағи 10,9
Адади 100 нусха

«IMPRESS MEDIA» МЧЖ босмахонасида офсет қоғози ва усулида чоп этилди.
Манзил: Тошкент шаҳри, Яккасарой тумани, Қушбеги, 6

Таҳририят манзили:
100003, Тошкент ш., Ислон Каримов кўчаси 49,
Телефонлар (99871)239-29-65, 239-28-97